

حسین بن علی‌ن (ع) ولادت‌ی باره‌ده چوخلو مختلف روایتلر وار. اونلارین مشهورلاری بونلاردیر: بیر سنری روایتلره گۆره هجرتین ...

حسین بن علی‌ن (ع) ولادت‌ی باره‌ده چوخلو مختلف روایتلر وار. اونلارین مشهورلاری بونلاردیر: بیر سنری روایتلره گۆره هجرتین دۆردونجو ایلی‌نین شعبان آی‌نین اوجونده مدینه شهرینده دنیا‌یا گلدی. بعضی روایتلره گۆره‌ده هجرتین اوجونجو ایلی ربیع الاولین آخر گونونده و بعضی روایتلره گۆره هجرتین اوجونجو و یا دۆردونجو ایلی‌نین جمادی الاولین بنشینده دنیا‌یا گلدی. لاپ مشهور روایت اولکی روایتدیر. اعلام الوری طبرسی، ص ۲۱۳.

او حضرت تقریباً آلتی ایل کرامتلی جدّی این و اوندان سونرا تقریباً اوتوز ایل آتاسی این و اوندان سونرا تقریباً اون ایل‌ده قارداشی امام حسن این (ع) یاشدی.

او حضرتین کنیه‌سی ابا عبدالله ایدی. امام حسین (ع) چوخلو لقب‌لر نسبت وئریلر. اونلارین لاپ مشهورو او حضرتین شهادتیندن سونرا وئریلن سیدالشهدا لقبی‌دیر کی اوللر پیغمبرین عمیسی حمزه (رحمة الله علیه) وئرلمیشدی و امام حسین (ع) شهادتیندن سونرا او حضرت‌ه اطلاق اولوندو.

تاریخ دمشق ابن عساکر ترجمه الامام حسین (ع) ص ۲۶ و ۲۷ و اسد الغابه ج ۲ ص ۱۹- کتابلاریندا حضرت علی‌دن (ع) بنله بیر روایت نقل اولوب: اوغلو حسن دنیا‌یا گلنده عمیم حمزه‌نین آدینی اونا قویدوم. حسین‌ده دنیا‌یا گلنده او بیر عمیم جعفرین آدنی اونا قویدوم. بیر گون رسول الله (ص) منی چاغیریب دندی: «من اونلارین آینی دیشماغا مأمور اولموشام. اونلاری بوندان سونرا حسن و حسین سسله‌یین».

آدلارین دیشمه‌سی‌ده المعجم الکبیر طبرانی و طبقات ابن سعد کتابلاریندا نقل اولدوغو کیمی بنله اولور: جبرئیل پیغمبره الله‌دان امر گتیریب کی نوه‌لری‌نین آدلارینی هارونون اوغلانلاری «شیر» و «شیر» آدینا دیشسین. پیغمبر ده بو آدلارین عبری اولدوغونو و عربی اولمادیغینی دئیینجه تازادان امر نازل اولور کی همان آدلارین عربی‌سینی یعنی حسن و حسین آدلاری پیغمبرین نوه‌لرینه قویلسون.

رسول الله (ص) نوه‌سی امام حسین (ع) چوخ ایستردی. مقتل خوارزمی ج ۱ ص ۱۴۶ و فرائد السمطین ج ۲ ص ۱۳۱ باب ۳۰ کتابلاریندا بنله روایت اولوب: رسول الله صحابه‌سی این قوناقلیغا گئیددی. یول اوستونده اوشاقلارینان بیرلیقدن اوینایان امام حسین (ع) گۆردو. اونا توماق اوجون یاخینا یتریدی اما او اویناماق اوجون قاچدی. رسول الله هر طرفه قاچاندا او آیری طرفه قاچیردی. حضرت گوله - گوله اونا قووالادی و نهایت اونا توتوب بیر الینی اونون باش‌نین دالیسینا و بیر الینی چنه‌سی‌نین آلتینا قویوب آغزیندان اؤبوب بووردو: «حسین مندنیر و من حسیندن. الله حسین سئونی سئوسین».

تاریخ دمشق ابن عساکر ترجمه امام حسین , ص ۱۴۶، کتابیندا عامه‌نین بؤیوک عالم‌لری زید بن ارقم و ابوهریره‌دن نقل ائیلرلر پیغمبر رحلت زمانی دؤشکده اولان زمان اوزون علی، فاطمه، حسن و حسین توتوب بووردو: «انا حرب لمن حاربکم و سلم لمن سالمکم؛ سیزینله جنگ ائدنله من‌ده جنگ ائله‌جاغام و سیزینله دوستلوق ائله‌ینله من‌ده دوستلوق ائله‌جاغام».

سنن ترمذی ج ۱۳ ص ۱۸۹ و مجمع الزوائد ج ۹ ص ۱۸۱ کتابلاریندا عمر بن خطاب‌دان بنله نقل اولوب: بیر گون رسول الله حسن و حسین چیکنه‌نی آلمیش گۆردوم. اوشاقلارا دئیم: «نه یاخشی آتیز وار!» رسول الله بووردو: «بونلار نه یاخشی سوارکاردیلار!»

تاریخ ابن عساکر ترجمه امام حسین (ع) ص ۱۴۹، ده نقل اولوب: مسلمانلار تشییع جنازه‌دن قایدیدیلار. یول اوستونده امام حسین (ع) یورلوب یولون قیراغیندا آیلشیدی. قوجا یاشندا اولان ابوهریره او حضرتین کناریندا اوتوروب پالتاری این حضرتین آیغی‌نین تورپاغینی سیلیدی. حضرت بووردو: «ابوهریره سن نییه بوایشی گۆرورسن؟» دندی: «قوی من بو ایشی گۆروم. الله آند اولسون منیم سنین باره‌نده بیلدیغیمی بو جماعت بیلسه‌یدی سنی بو یونلاریندا آپاردیلار».

تاریخ ابن عساکر ص ۲۱۰، کتابیندا بنله روایت اولوب: مدرک بن عماره دئیر بیر گون گۆردوم ابن عباس حسن و حسین رکابینی توتوب یول آپاریر. اونا اعتراض ائدیپ دئیم: «سن نییه اونلارین رکابینی توتوسان؟ سن کی اونلاردان یاشلیسان؟!» جواب وئردی: «بو ایکسی رسول الله‌بن اولادی و اونون جیگر پاره‌لری‌دیلر، اونلارین رکابینی توماقدان بوخاری سعادت وار؟»